

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Gebet- und Andachtsbuch - Cod. Lichtenthal 98

Oberrhein, [Anfang des 16. Jh.]

Ablässe der römischen Stationskirchen

[urn:nbn:de:bsz:31-35621](https://nbn-resolving.org/urn:nbn:de:bsz:31-35621)

mit not : das die geystlichen
vast wullen gon : oder ab-
laß suchen : so sye doch al-
leyn / myt eym guten willen ;
alwegen : Vnd an allen
orten : mögen erlangen
nachlofung aller sünd /
hye nach volget aller der
ablaß : der zu rom ist / in allen
kyrchen /

Als ist zu rom in allen kyrch-
en . alle tag ablaß : durch
das gantz iar us . vnd vs :
hundert tusent iar / vnd acht
hundert tusent iar / vnd zwey
hundert : vnd zwey vnd
sybentzig iar ablaß / das
verstehtu min wol / Alle
kyrchen zusamen gerechnet /

Dye karenen volgen hernoch /

Ab synt alle tag täglichen :
zu rom. in allen kirchen
deye vnd zwentzig tusent :
acht hundert : vnd acht.

vnd achtzig karenen /
das verstaßtu ouch wol /
was ist nun ein karenen

Ein karenen ist : so ein
mensth fastet vierzig
tag zu wasser vnd brot :
für sin büß / vnd das dreyt //
deyl. vergebung aller syner
sund : alle tag eylff mal /

Das verstaßtu ouch wol /

Ab ist in dem karthuser
kloster zu rom : das man
heyst / zu dem heyligen kreutz

in iherusalem : alle tag
teglichem : an ander ablaß,
der ouch do inne ist : So ist
do selbs ablaß vergebung
aller sünd /

rom

hye nach volgend dye stacio-
nes : die do zu^o gesthehen zu^o
etlicher zyt / vnd in etlichen
tagen / vnd sagen also /
wan̄ eyn stacio sye in eynen
kyrchen : So sye in der selben
kyrchen als vil ablaß : als
in allen kyrchen zu^o rom :
alle zu^o samen gerechnet /
an hat ouch eyn sunder-
lich sum ablaß : in etlichen
kyrchen : Aber in etlichen
kyrchen vnd stacion : do hat
keyn sunderlich sum / vmb

der wyle wyllen des ablas:
das er mitt zu zellen ist /

Wo du dieses zeychen

findest in der station:

So bedütet es vergebung
aller sünd: vnd ist volkomen
gnad vnd ablas /

Wo du aber findest ein
Crütz  das bedütet dir:

das in der selben station ist

löfung eyner selen: us
den banden des fegefüres /

Wye ding verstaße wol / ^{A du}

Es ist alle samstag station

durch das gantz / us vnd us / ^{ix}
vnd vergebung aller sünd / ^{||}

An dem ersten suntag in
dem aduent: ist stacion in
unser frayen kyrchen: die
do heyst maria maior:
vnd die stacion hat ablaß:
xxviij. tusent iare / vnd
xxviij. tusent karenen:
vnd das dreytteyl vergebung
aller sünd /

An dem anderen suntag
in dem aduent: ist stacio
zu dem heyligen Creutz: in
herusalem / vnd in der selben
stacion: ist xj. tusent iare
ablaß / vnd dar zu volle
gnad: vergebung aller sünd /
santg siluester hat diesen ab
laß gemeret /

An dem draytten suntag
 in dem aduent: ist stacion /
 Zu sant petre: in symem
 münster / Vnd in dieser sta-
 cion ist xxviij. tusent iare
 ablaß / vnd xxviij. tusent
 karenen /

An dem wyrtt wochen: in
 aduent: do die fron fast
 ist: do ist stacion. Zu vnser
 frauen / die do heyst maria
maior: in dieser stacion
 ist ablaß: xxviij. tusent
 iare / vnd xxviij. tusent
 karenen / vnd das dreytt //
 teyl vergebung aller sünden /

An dem freitag dar nach:
 auch in der fron fasten / ist
 stacion: Zu den apostelen:

und in dieser station: ist
F 2. tusent jar ablas: Und
ist ouch do volle gnad: ver-
gebung aller sünd / In latin
heyst es: indulgentia plena
via omnium peccatorum /

An dem samstag dar nach:
do ist ouch feonfast / Und do
ist station: in sant peter
mynster: Und ym dieser
station ist 20 viij. tusent
iare ablas / Und 20 viij.
tusent karrenen /

An dem vierden sntag
in dem aduent: ist stacio:
zu den apostolob: Und
in dieser station ist 20
tusent iare ablas / Und ist

ouch do volle gnad: ver//
gebung aller sünd /

An dem heyligen wyden
necht aben: ist station zu
vnsen lieben frawen / die
do heyst Maria maior:

Vnd in dieser station ist
xxviij. tusent iar ablaß:
vnd xxviij. tusent karen:
vnd das dreytteyl vergebung
aller sünd /

An dem heyligen wyden //
necht tag: zu der ersten
mess: so ist station: zu
vnsen lieben frawen maria
maior: in der Capellen do
die kryppe des herren in ist /
vnd ist in dieser station.

xxviii. tusent iar ablaß /
vnd xxviii. tusent karenen /

Vnd über das alles: so ist
ouch do volle gnad: verge-
bung aller sünd /

Die ander stacion ist zu
sant Anastasion: vnd ist
ouch die ander mess: vnd
in dieser stacion ist xxviii.
tusent iar ablaß: vnd xxviii.

Tusent karenen: vnd dar
zu volle gnad: vergebung
aller sünd /

Zu der drytten messen:
so ist stacion: in vnser frawe
kyrchen: die do heyst Maria
maior: vnd in dieser sta-
cion ist ablaß: xxviii. tusent

107

iar ablaß: vnd xxviii. tu-
sent karenen: Vnd über
C das alles: So ist ouch do
volle gnad: vergebung
aller sund /

An sant Stephans tag:
ist stacion: ad sanctum
Stephanū in Celio monte /
Vnd in dieser stacion ist
xxviii. tusent iar ablaß:
Vnd xxviii. tusent karen:

Vnd dar zu volle gnad:
vergebung aller sund /

An sant Johans tag. des
heyiligen ewangelisten / do
ist stacion: In unser frauen
Kirchen. dye do heyst maria

maior: und in dieser sta-
cion: ist xxviij. tusent jar
ablas: und xxviij. tusent
Fkarenen. Und über das
alles: so ist ouch do volle
gnod: vergebung aller
sünd /

An dem heyligen an-
schuldigen kindel tag /
ist stacion: ad sanctum
paulū: und in dieser sta-
cion ist xv. tusent jar
ablas: und xv. tusent
Fkarenen: und dar zu
volle gnad: vergebung
aller sünd /

An dem neuwen gūten
iars tag / ist stacion ad
sanctam marciam trans
tyberim · ad fontes oley :

Und in dieser stacion ist
xxvi. tusent iar ablas :

Und dar zu^o : so ist ouch
do volle gnod : vergebung
aller sünd /

An dem heyligen dreye
künig tag : so ist stacion ·
in sant peter münster / Und
in dieser stacion : ist xxviij.
tusent iar ablas : Und xx.
viij. tusent karrenen :

Und dar zu^o : so ist ouch
do volle gnad : vergebung
aller sünd /

An sonnt sebastian tag: ist
stacion in sebastianus kirchen,
vnd ist der syben kirchen eyn /
Und in dieser stacion: ist volle
gnad. vnd vergebung aller
sünd /

An unser frauen tag liecht
mef / **U**nd an allen unser
frauen festen: durch das
gantze iar / **U**nd die selben
octaffen uff vnd uff / ist
stacion in unser frauen
kirchen: die do heyst
maria rotunda / **U**nd ist
in allen unser frauen festen,
mit den octaffen uff vnd uff,
alwegen vollgnad. verge-
Ubung aller sünd / vnd tusent
iar ablaß dar zu /

✻

109
An dem suntag. do man
das alleluia hyn legt / der
do heyst septuagesima / ist
stacion. ad sandū laurenū
extra muros : vnd in dieser
stacion : ist xij tusent iar
ablaß / vnd xvij. karenen /
vnd vergebung das dreytel
aller sünden /


vnd über das alles : so ist
ouch do erlösung. eynere
selen : uf dem fege für /

An dem suntag darnach.
der do heyst sexagesima /
so ist stacion ad sandū
paulū : vnd in dieser sta-
cion / ist xij tusent iar
ablaß : vnd xvij. karenen /

Vnd vergebung das dreytteyl
aller sünden /

An dem sonntag darnach /
der do heyst quingagesima /
do ist stacion ad sanctum
petrū : vnd in dieser stacion :
ist xxviij . tusent iare ab-
laf / vnd xxviij . tusent
karenen /

An dem esther mytt
wuchen : ist stacion ad
sanctam sabnam / vnd
in dieser stacion . ist iij
tusent iare ablaf / vnd
dar zu volle gnad : ver-
gebung aller sünd /

An dem donstag dar-
nach : do ist stacion . ad
sanctū gegoriū / vnd

in dieser station ist 2.
tusent iar ablaß /

An dem freytag darnach:
ist station. ad sanctos io-
hannem et paulu: vnd
in dieser station ist 2. tusent
iar ablaß /

An dem samstag darnach:
ist station. ad sanctu Tre-
phonem: vnd in dieser
station: ist volle gnad. ver-
gebung aller sünd / vnd
2. tusent iar ablaß /

An dem ersten suntag
in der fasten: der do heyst
quadragesima: ist station
ad sanctu iohannē latera-

nsensem /

In dieser station: ist volle
gnad. vergebung aller sünd /
vnd xvij. tusent iar ablas /
vnd sunst ablas. als vil:
das es nyeman erzelen kan /

An dem mentag darnach /
so ist station. ad sanctum
petrum ad vincula / vnd

In dieser station. ist volle
gnad. vergebung aller sünd /
vnd x. tusent iar ablas /

An dem zystag. darnach /
ist station. ad sanctam
anastasiam: vnd in die-
ser station ist ablas xvij.
vii. tusent iar / vnd
xxvii. tusent karenen /

111
+ vnd erlösung eyner
selen. uf dem fegefeuer /

An dem mytwochen
dar nach: ist stacion ad
santa mariam maiorem /
vnd in dieser stacion: ist
xxviij. tusent iar ablas /
vnd xxviij. tusent karen:
vnd das dreytzevl vergebunß
aller sünd /

An dem donstag dar
nach: so ist stacion. ad
santa laurenciu in pa-
lisperna / vnd in dieser
stacion. ist volle gnad: ver-
gebung aller sünd / vnd
x. tusent iar ablas /

An dem freitag dar nach,
ist stacion ad sanctos apo-
stolos: vnd ist volle gnad.
vergebung aller sünd /
vnd xiiij. tusent iar ablas /

An dem samstag darnach:
ist stacion. ad sanctū petrū:
vnd in dieser stacion ist
volle gnad. verggebung
aller sünd / vnd ist ouch
dar zu^o xxviij. tusent iar
ablas: vnd xxviij. tusent
karenen /

An dem anderen suntag.
der do heyst remmiscere,
do ist stacion. ad sanctam
mariam in nauicula :

und in dieser station ist
xxviij. tusent iar ablaß /
und xxviij. tusen ⁺ karenen /

An dem mentag dar nach:
ist station. ad sanctū Ele-
mentem: und in dieser sta-
cion: ist vergebung das
deytteyl. aller sünden: und
x. tusent iar ablaß /

An dem zÿstag dar nach:
ist station. ad sanctā balbi-
nam: und ist x tusent
iar ablaß /

An dem mytwochen: ist
dar nach station. ad sanctā
Cecilia: und in dieser station:

ch/
po/
nad.
ablaß/
enach/
petru:
st
g
ouch
iar
isent
ntag.
ere/
am
:

ist x. tusent iar ablas /

An dem donstag. ist stacion:
ad sanctam mariam. transf-
tyberym / Vnd in dieser sta-
cion. ist x. tusent iar ablas /

An dem freitag dar nach:
ist stacion. ad sanctum vi-
talem / Vnd in dieser stacion:
ist x. tusent iar ablas /

An dem samstag dar nach:
ist stacion / ad sanctos mar-
cellinum et petru : Vnd in
dieser stacion. ist volle gnad:
vergebung aller sünd /
Vnd x. tusent iar ablas /

An dem draytten suntag
 dar nach / der do heyst:
Oculi / do ist stacion: Zu
 sant lorentzen: ufwendig
 der muren. der statt rom /
 Und in dieser stacion. ist
 x. tusent iare ablas / und
 lxv. Und xlviij. ka-
 renen:  und erlösung
 eyner selen. vf dem fegfir /

An dem mentag dar
 nach: ist stacion: ad sanctu
marcum: Und in dieser
 stacion. ist x. tusent
 iare ablas /

An dem Zyrtag darnach,
ist stacion ad sancta poten-
cianam / vnd in dieser sta-
cion. ist x. tusent iar ablaß /

An dem mytwochen dar-
nach: ist stacion. ad sanctu
sixtu / In dieser stacion ist
x. tusent iar ablaß /

An dem donstag darnach,
ist stacion. ad sanctos Cos-
man et damianum / In
dieser stacion ist x. tusent
iar ablaß /

An dem feytag darnach,
ist stacion. ad sanctu lau-
rencium in lucina / vnd

114
in dieser station ist x. tusent
iar ablaß /

An dem samstag dar
nach: do ist station. ad
sanctā susannam / vnd

In dieser station. ist volle
gnad: vergebung aller sünd /
vnd xiiij. tusent iar ablaß /

An dem vierden suntag.
in der fasten / der do heyst
letare / do ist station. Zu
dem heyligen crütz. in the
rusalem / ist der syben haupt

Kirchen eyn / In dieser station
ist ~~station~~ volle gnad. ver //

ist von diesem suntag an: biß uff den samstag nach osteren /
ist in unser frauen kirchen ablaß alle tag. von pin vnd
von schuld: die do heyst: maria de populo.

gebung aller sünd / Vnd

+ über das alles: So **ist**
do ablaß. erlösung eyner
selen: uf dem sege füre /

F n dem mentag dar
nach, ist stacion ad sanc-
torū quatuor Coronatorū:

vnd in dieser stacion ist
x. tusent iare ablaß /

A n dem Zystag darnach,
ist stacion. ad sanctum
laurenciū in damaso /

vnd in dieser stacion ist
x. tusent iare ablaß / vnd
das dreytteyl vergebung

aller sünd /

Am dem mytwochen
dar nach. ist stacion. ad
sanctū paulum. vnd in
dieser stacion ist x. tusent
iar ablaß / vnd das dreytt
teyl vergebung aller sünd /

An dem dosttag dar nach /
ist stacion. ad sanctū sil
uestrum. vnd in dieser sta
cion ist x. tusent iar ablaß /

An dem freyttag dar nach.
ist stacion. ad sanctū Euse
bium. vnd in dieser stacion
ist x. tusent iar ablaß /

An dem samstag dar nach:
ist stacion ad sanctū Nicolaum
in carcere / Und in dieser sta-
cion. ist volle gnad: verge-
bung aller sünd / Und xij.
tusent iar ablaß /

An dem fünfften sonntag
in der fasten: ist stacion
ad sanctū petrū : Und in
dieser stacion ist xxviii.
tusent iar ablaß / Und das
drytteil vergebung aller
sünd /

An dem mentag dar
nach. ist stacion ad sanctū
Crisogonum : Und in dieser

Stacion ist .x. tusent iar ablaß /

An dem 3yntag ist Stacion.

ad sanctū Quiricum: vnd
in dieser Stacion ist .x. tusent
iar ablaß /

An dem myttwochen dar
nach: do ist Stacion ad scm̄
marcellū: vnd in dieser
Stacion ist .x. tusent iar
ablaß /

An dem donstag dar nach:
do ist Stacion. ad sanctū
Appollinarem: vnd in
dieser Stacion ist .x. tusent
iar ablaß /

An dem freytag dar nach:

ist stacion · ad sanctū steffa-
num in Celiō monte · vnd
in dieser stacion · ist ablaß ·
erlösung eyner selen vß
dem fege füre / 

An dem samstag dar
nach · do ist stacion · ad
sanctū iohannem ante
portam latinam · vnd
in dieser stacion ist xij.
tusent iar ablaß · vnd
 erlösung eyner selen ·
vß dem fege füre /

An dem sechsten sumpag
dore do ist der heylig palm //

tag. do ist stacion. ad scm
Johannem lateranensem /
das ist oberste kyrch: die do
in der welt ist / In dieser sta-
cion ist xxvi. tusent iare
ablaß / vnd xlvij. ka-

Crenen: Vnd ist dar zu
volle gnad: verggebung
aller sünd / vff diesen tag /

An dem mentag dar nach,
ist stacion. ad sanctam
praxedem: vnd in dieser

Stacion ist volle gnad. ver-
gebung aller sünd / vnd
xxviij. tusent iare ablaß /
vnd über dieses alles: so

steffa
vnd
ablaß
vff
dar
ad
nte
nd
rij.
vnd
selen
imtag
alm

ist ablaß vergebung das vier-
denteyl aller sünd /

An dem 3 ystag dar nach:
ist stacion: ad sanctā priscam:

Und in dieser stacion ist
Volle gnad. vergebung al-
ler sünd: Und dar zu^o xxvij.
tusent iar ablaß /

An dem myttwochen dar
nach: do ist stacion ad
sanctam mariam maiore:

Und in dieser stacion ist
xxvij. tusent iar ablaß /
und xxvij. tusent karenen /

Vnd dar zu^o volle gnad: ver-
gebung aller sünd /

An dem heyligen grünen
donstag: do ist stacion. ad
 sanctum Johannen lateranen//
 sem / Vnd in die stacion ist:

Txij. tusent ior ablaß: vnd
 xlviij. karenen / Vnd in
 dieser kirchen: vnd vff
 diesen tag: vnd zu dieser
 stacion: ist zweyffeltig volle
 gnad: vergebung aller sund /

An dem heyligen kar//
freitag: do ist stacion. zu
 dem heyligen Crütz: in ihe
rusalem / vnd in dieser sta
 tion. ist volle gnad. verge
 bung aller sund: vnd sunst

als vil ablaß: das es nie-
man erzellen kan / so vil
ist es uff diesen tag: in die-
ser kyrchen alleyn /

An dem heyligen oster aben-
st stacion. ad sanctum jo-
hannem lateranensem: vnd

in dieser stacion ist xij. tusent
iar ablaß / vnd xlviij. kar-
nen:

En: vnd dar zu: so ist
ouch do volle gnod: verge-
bung aller sünd /

An dem heyligen ostertag.
ist stacion: ad sanctā ma-
viam maiorem. vnd ist in

dieser stacion: xxviij. tusent
iar ablaß / vnd xxviij. ka-
renen /

En: vnd dar zu volle gnad:

vergebung aller sünd /

An dem mentag dar nach:

do ist stacion. ad sanctum
petrum: vnd in dieser stacion.

ist xxviij. tusent iar ablaß /

vnd xxviij. tusent karenen:

Und dar zu volle gnad: ver-
gebung aller sünd /

An dem zÿstag dar nach:

do ist stacion. ad sanctum

paulum: vnd in dieser sta-

cion. ist xx. tusent iar ablaß:

vnd xxviij. tusent karenen:

Und dar zu volle gnad:
vergebung aller sünden /

An dem myttwochen dar nach /

do ist stacion. ad sanctum
laurencium extra muros:
mit wylt von der karthuf:

Und in dieser stacion. ist
xviij. tusent iare ablas:
Und xviij. tusent karenen:

X Und dar zu ablas:
erlösung eyner selen. vß
dem fegefure /

An dem donstag darnach:

do ist stacion. ad sanctos
apostolos: Und in dieser
stacion ist xv. tusent iare

A ablas: Und dar zu: so
ist ouch do volle gnad: ver-
gebung aller sünd /

An dem freitag dar nach:
 do ist stacion. ad sanctam
mariam rotundam / vnd
 in dieser stacion ist xv.
 tusent iar ablaß /

Au dem samstag darnach:
 ist stacion. ad sanctum io-
hannem lateranensem /
 vnd in dieser stacion ist.
 xv. tusent iar ablaß :
 vnd das dreytteyl vergebung
 aller sünd / vnd dar zu :
 so ist ouch Zwiffaltig
 volle gnod: vergebung
 aller sünd /

¶
 ¶

An dem sonntag dar nach:
der do heyst Quasi modo:
do ist stacion. ad sanctum
pancraciu: vnd in dieser
stacion ist xxv. tusent iar
ablaß: vnd dar zu volle
gnod: vergebung aller
sund /

An sant marc tag / ist
stacion. ad sanctu petru:
vnd in dieser stacion. ist
xxviij. tusent iar ablaß /
vnd xxviij. tusent karen:

An allen suntagen in
dem meyen: ist stacion.
vnd ablaß von pyn: vnd
von sthulde / in sant

sebastianus kyrchen /

An der xiiij. tage im
meyen: ist auch stacion /

An dem mentag. in der
krütz wochen: ist stacion
ad sanctum petrum /

An den zÿstag. in der
krütz wochen: ist stacion
ad sanctum johannem la-
teranensem /

An dem myt wochen. in
der krütz wochen: ist sta-
cion. ad sanctam maria
maiozem /

An dem heyligen offort

tag: ist stacion ad sanctū
petrum: vnd in dieser sta-
cion ist xxviij. tusent iar
ablaß: vnd xxviij. tusent
karenen /

En dem heyligen pfingst
taben: ist stacion. ad sanctū
iohannem lateranensem /
vnd in dieser stacion ist
xv. tusent iar ablaß:

Und ouch ist do volle gnad:
vergebung aller sünd /

An dem heyligen pfingst
tage: ist stacion ad sanctū
petrū: vnd ist also vil
ablaß: das es keyn menst

Der zelen kan / vnd ist ouch
do volle gnad: vergebung
aller sünd /

An dem mentag darnach:
do ist stacion . ad sanctum
petrum ad vincula : vnd in

dieser stacion ist volle gnad:
vergebung aller sünd /

An dem zÿstag darnach:
ist stacion . ad sanctam Ana-
stasiam / vnd in dieser stacion
x viij . tusent iar ablaß /

An dem mÿttwochen darnach:
ist stacion . ad sanctam Maria
maiozem : vnd in dieser stacion
ist . xx viij . tusent iar ablaß /

Und xxviii. tusent karenen /

Und dar zu. vergebung das
dreytteyl aller sünd /

In dem donstag darnach:

ist stacion. ad sanctu lau-

rencium extra muros: und

in dieser stacion ist xxviii.

tusent iar ablaß / Und xxviii.

tusent karenen / Und das

dreyt teyl vergebung aller

sünd / **+** Item: So ist

ouch ablaß do. und erlösung

eyner selen us dem fegfure /

In dem freitag darnach:

do ist stacion. ad sanctos

apostolos: Und in dieser

stacion ist xxviii. tusent iar

Ablas / Item : Es ist ouch do
volle gnad : vergebung
aller sünd /

An dem samstag dar nach :
do ist stacion ad sanctum
petrum / Und in dieser stacion
ist xvij. tusent iar ablas :
Und xvij. tusent karenen :

+ Und dar zu^o : So ist do
ablas erlösung eyner selen :
vß dem fegfure /

An dem tage vincula petri :
do ist ouch stacion /

An sant bartholomeus
tag : ist ouch stacion /
~~n aller~~

An dem myttwochen: In
der fronfasten nach des
heyligen Crütz tag: Im herbst/
do ist stacion. ad sanctam
Mariam maiorem: Und
in dieser stacion ist xxviij.
tusent iar ablaß / und ouch
xxviij. tusent karenen /
Und das dreytteyl vergebung
aller sünd /

An dem freitag dar nach:
do ist stacion ad sanctos
apostolos: Und in dieser
stacion ist xxviij. tusent
iar ablaß / Item es ist
¶ ouch do volle gnad: ver //

gebung aller sünd /

124

An dem samstag dar
nach: do ist stacion ad
sanctū petrū: Vnd in die-
ser stacion ist xxviii.
tusent iare ablaß: Vnd
xxviii. tusent karenen:
Vnd das dreytteil vergebung
aller sünd /

An aller heyligen tag
ist stacion. Zu Rom /

An aller selen tag: ist
stacion Zu Rom /

An sant theodorus tag:
der ist an dem achtestem tag:
aller gleubigen selen:

do ist kyrweye ad sanctū
iohannem lateranensem:

Und in dieser station ist
ablaß von pyn und von
schuld / und süß vil ablaß /

An dem achtestem tag
sancti martini: ist ouch
station zu rom /

An allen festen . ist
station ad sanctam bal-
bynam /

Item du möchst sprechen:
wie kompt es . das vil sta-
ciones haben eynen genemp-
ten ablaß: und sint ouch
etlich: die haben keynen ge-
nempten ablaß: wie sal ich

das verston: ich antwurt die
 also / Sprich du dyn septen:
 vnd hole dynen ablaß mit an //
 dacht: als wer du kauft. got der
 her: sal die dich des ablaß mit
 berauben. den du von hertzen
 begieren bist / Er weyß wol die
 zal. du darfft sy ym mit rechnen:
 ob es vil oder wenig ist. dye
 lieben engel: die schreiben es al //
 les uff: vnd opfferen es gott
 dem herren / das verstofft
 du min wol: als ich meyn /
Imb tugent. vnd vmb ablaß:
 laß dich keyn erbeyt duren:
 vnd bye lyb: vnd bye leben:
 so gedenck. das du keynen
 verborgen myd: oder has teaggest
 in diuem hertzen: gegen keynem

mensthen in dynem heizen:
alle dyn werck: were alle
vmb sunst / **G**laub mir liebes
kynst / das myr eyn tag. do
keyn stacion ist: ist mir eben
als lieb: als eynen tag: do
stacion in ist / ich frewe es
mich eben als seze. **I**tem das
saltu wissen: wan an eynem
tag stacion ist in eynere kyr-
chen: mitt desten mynder:
so ist ouch aller der ablaß:
in allen kyrchen: die zu
rom synt / als ob keyn sta-
cion were. **I**tem: wo sta-
cion ist in eynere kyrchen:
do ist der lauff me da hym:
dan in eyn ander kyrchen /
Und wo stacion ist: do solt

der babst selber meß singen :
 darumb gybt er den ablaß :
 Mag er es aber nit gedün.
 So muß es eyn bysthoff dün /
 in dem nāmen des bobst /
 Das hast du mīn wol verstande /
 wan du wilt den ablaß
 holen : den macht du holen
 wan du wilt / Zu mitternacht.
 Zu mittertag : nach metten :
 wan du wilt / So sprich dīn
 septen stēlich / Und kyrie
 Zu der latenye : wan du
 das alles hast gedon : nach
 gewonheyt des ordens :
 So offer es gott dem herren
 uff : mit diesem gebett : das
 hie nach geschayben stat /

O her ihu xpe fliessender
brun. des nachlassens: und
verzyhen / Trost und her-
kaltung. der sündigen selen /
Du byst eyn erlöser. Und
widerbringer menschliches
gesthlichts / Du güst in
dye wunden der sünden:
Wyn der gerechtigkeit:
Und öl der barmhertzig-
keit / Ich sag dir danck:
in ewigkeit. für alle erbeyt:
unrüyg. und übertreff-
lichen pynlicheyten: dye
du ~~mit~~ von mynet wegen.
in angenomēnen lyb. ge-
lytten hast / Auch das du
mich arme sünderin erlost

hast von dem ewigen dot: mit
 dynem kosthbarlichen blüt/
Vnd mit dem nitt genüigig:
 hast auch gelegt in den schatz:
 dyner streyttenden kyrchen:
 das überflüssig verdienen.
 dyns lydens/ **D**uch dyner
 hochwurdigen mütter. der
 Jungkfrauen marie: **V**nd
 aller heyligen. in ablofung
 myner deglichen sünd: **V**er-
 lofend vff ertrich getrewe
 schaffener: oder vß deyler
 des selbigen schatz/ **V**erly
 mye dyner vnwirdigen
 dynerem: **V**nd strofflichen
 sündem: der ich mye vil

sünd wassen byn: der ich
mitt festem glauben: vnd
demütigem hertzen: dyns
abloß begier: vff diesen tag:
das ich vß dyner gnod. vnd
sunderlichen barmhertzig-
keyt. deylhafftig werd: alles
abloß: nachloßung der
sünd: vnd geystlichen go-
ben: die heut verkündt:
vnd gegeben werden: In
allen kyrchen zu rom:
+ auch durch dye gantz
welt: vff. das ich dar
durch gereymigt von
sünden: mög dyr nach
+ vnd sunderlich in der kyrche zu sant
n. do heut station in ist /

diesem leben: frölich.
 und freuwend: über ant //
 wurdt werden / **W**er du
 lebst. **u**nd regnyrst mit
 got dem vatter: in verey //
 nigung des heyligen geystes:
 got. von welt zu welt.
Amen / **I**st es nun ein
 tag: das es ouch erlösung
 ist eyner selen us dem feg //
 füre / So nym ein sele für dich
 welche du wilt: und begerre
 von grundt dynes hertzen:
 das sy ouch des ablaß deyl //
 hafftig werd: **U**nd sprich //
 mit andacht: dyseß gebett:
 das hye hernach geet /

O her ihesu crist: wores
licht der selen: her //
kühlung der müden: vn //
uersiglicher brunn der
durstenden: der du byst
eyn **L**ychter der lebenden.
vnd doten / **D**on dyr
nympt alle creatur das
wesen / **D**u byst eyne
eynige wose hoffnung
der selen: die zu vey //
nigen syndt / **Z**u dyr
begereu sye seuffzen
vß yrer gefengnis:
welche dye tyrannische

129
greulicheyt des fündts :
hat in eyn füeigen
offen getryben : do sye
wonen in grym mügen
flammen : die do next
die sünd : vnd würrig
behalt. die sharpffe
gerechtigkeyt / **H**err
von dyr haben wir
in gebott : das wir
vnserm nechsten barm-
hertzigkeyt herzeugen :
das ist : das wir dye
krancken heym suchen :
die gefangen herledigen :

die hungerigen spysen!
Und dirstigen trencken/
Und das wir ouch flyß
haben zu den doten:
bezeugend. was yn
vff ertrich: von den
frumen gesthycht/
das es dyr gesthehen
sye / Und darumb die
guten belonen. mit
dem lieblichen vrteyl
sprechend: kumen yr
gebenedyten act. et cetera/
— Darumb. o her: sich

gnediglich an das ge-
 beth: das wir zu dir
 senden. von wegen der
 armen gefangenen selen:
 die yn selbs mitt helffen
 können / alleyn. on
 vnderloß zu uns stehend:
 herbarmend och myn.
 herbarmend och myn:
 Zu vor yr myne feünd /
 Auch das werck der
 barmhertzigkeit: das ich
 us andacht mit dyner

gnaden volbracht hab:
mit geystlichen goben des
gebedts: heymsuchend die
kyrch: sant ~~A~~: do hüt:
vf ~~I~~ Zu versicht dyner
myltigkeyt: wüedt ge-
geben ablosung der sünd:
Und herledigung cyner
selen: von den bannen
des seggüres / ~~W~~ildest
sünderlich zu trost kumen
lassen: der selen ~~A~~.
welcher^e in sinem^{ivem} leben

bezeycht was: mytt dem
 Zeychen. der heyligen drey //
 faltigkeyt / **V**nd verly: das
Sy yn hynfürter: mitt engstig
 dyn vteyl: **die** den ich dyr
 in gebeth: heut befylch /
 sinder: das **Sy** er durch dyn
 herbernd: mög ertheynen.
 dynem rochlichen vteyl /
Vnd durch die hend: dyner
 heyligen engel: gefürt werd
 in die sthof: dynes patri //
 archen **A**brahe: do in
 ewiger vüg: sich gebrochen:

mitt dem Armen lazaro:
der herquickung: vnd
setzigung: des lebenden
brunnen: Wer du lebst:
vnd regnerst mit gott
dem vatter: in ver ey-
nigung des heyligen gei-
stes gott: von welt zu
welt: Amen /

*Hye nach volgt ein
schön lateny: von
sant vrsulen: mit
aller yrer gesellschaft /*